



# EDICT DV ROY

## pour l'Etablissement d'un

### Jardin des Plantes

### Medicinales.



LOUIS, PAR LA GRACE  
DE DIEU, ROY DE  
FRANCE ET DE NA-  
VARRE, A tous presents & à  
venir, Salut. Encores que depuis  
nostre aduenement à cette Cou-  
ronne nous ayons esté entierement  
occupez aux affaires suruenues tant au dedans que de-  
hors nostre Royaume pour la conseruation d'iceluy,  
si n'auons nous pas laissé de penser soigneusement au  
bien particulier de nos subiects, comme nous faisons  
iournellement: Et sçachant qu'entre les choses les plus  
desirables que les hommes ayent au monde, celle de  
leur santé leur est des plus cheres & precieuses; Nous  
auons tousiours eu en singuliere recommandation les  
Vniuersitez establies par nos predecesseurs Roys en  
cedit Royaume. Mais comme celle de nostre bonne  
Ville de Paris est l'une des principales, & qu'en ladite

Ville, soit à cause de nostre residence ordinaire, qu'à  
 cause de l'affluence du peuple qui y habite & aborde  
 de toutes parts. Nous auons aussi estimé deuoir recher-  
 cher toutes sortes de moyēs pour seruir à l'instruction  
 des Escoliers estudians en ladite Vniuersité, & l'vtilité  
 de nos peuples. Sur quoy nous auōs embrassé avec affe-  
 ctiō les aduis & propositiōs qui nous ont esté faites par  
 nostre amé & seāl Cōseiller & premier Medecin, le sieur  
 Herouard, pour l'establissement & construction en  
 l'vn des Fauxbourgs de nostre Ville de Paris, d'vn Jar-  
 din Royal des Plantes Medecinales, comme estans les  
 plus excellents outils que la Nature aye produit, pour  
 la guerison des Malades. A CES CAUSES, sca-  
 uoir faisons que desirant accroistre de plus en plus nos  
 bien-faiçts à n'ostredite Ville de Paris, Nous auons de  
 nostre grace speciale, plaine puissance & auctorité  
 Royale, statué & ordonné, Voulons, statuons & or-  
 donnons par ces presentes, Qu'il soit cōstruict & esta-  
 bly vn Iardin Royal en l'vn des fauxbourgs de nostre  
 Ville de Paris, ou autre tel lieu proche d'icelle, de telle  
 grandeur qu'il sera aduisé, propre conuenable, & ne-  
 cessaire par ledit sieur Herouard, pour y planter tou-  
 tes sortes d'Herbes & Plantes Medecinales pour ser-  
 uir ceux qui en auront besoin, Mesmes pour l'instru-  
 ction des Escoliers de ladite Vniuersité de Medecine.  
 Duquel Iardin nous auons accordé & octroyé, don-  
 nons & octroyons par cesdites presentes, la Surinten-  
 dance audit sieur Herouard, & à ses successeurs Pre-  
 miers Medecins, & non à autres: Avec pouuoir de nō-  
 mer & commettre dès à present, & quand vacation

3

aduiendra, telles personnes qu'il iugera plus propres,  
& à nous agreables, pour la direction, culture, & con-  
seruation dudit Iardin, demonstration publique des-  
dites Plantes, à tels iours qu'il sera par luy ordonné, le-  
quel aura qualité d'Intendant dudit Iardin, sans y pou-  
voir estre troublez & empeschez en aucune maniere  
que ce soit. Et afin que ledit dessein puisse estre entier-  
remét executé, Voulons & nous plaît que des deniers  
qui seront par nous ordonnez, il sera employé telle  
somme de deniers qu'il sera iugé necessaire, tant pour  
la terre, materiaux des bastimens de la Maison, closture,  
recouurement des Plantes & semences, tant dome-  
stiques qu'estrangeres, port & voitures d'icelles, re-  
couurement & apports des terres, conduicts d'eau, &  
autres frais necessaires pour la construction, embellis-  
sement, & entiere perfection dudit Iardin, ensemble  
l'entretienement annuel dudit Iardin, & des person-  
nes qui seront employez à la conduite & culture d'i-  
celuy, sans que le fonds qui sera à ce destiné par Nous,  
puisse estre cy apres diuertny ny employé à autre vsa-  
ge, pour quelque cause & occasion que ce soit. S I  
D O N N O N S en mandemét à nos amez & feaux Con-  
seillers, Les gens tenans nostre Cour de Parlement de  
Paris, Preuost dudit Paris. ou son Lieutenant, & à tous  
nos autres Iusticiers & Officiers qu'il appartiendra,  
que cettuy nostre present Edict & Establissement du-  
dit Iardin, ils facent lire, publier, & enregister, & du  
contenu en iceluy souffrir & laisser iouyr & vser ledit  
sieur Herouard & ses successeurs en ladite charge de  
premier Medecin, ensemble ceux qui seront par eux

4

ſucceſſiuement nommez en ladite charge d'Intendant  
& Directeur dudit Iardin, plainement & paiſible-  
ment, ſans permettre qu'il leur ſoit fait, mis ou donné  
ores ny pour l'aduenir aucun trouble ou empêche-  
ment au contraire, Car tel eſt noſtre plaifir. Et afin que  
ceſoit choſe ferme & ſtable à tousiours, Nous auons  
fait mettre noſtre ſeal à ceſdites preſentes, ſauf en au-  
tre choſe noſtre dit droit, & l'autruy en toutes. DON-  
NE' à Paris au mois de Ianuier, l'an de grace Mil ſix  
cens vingt ſix, Et de noſtre Regne le ſeizeſme. Signé,  
LO V Y S, & ſur le Reply, Par le Roy, DE BEAV-  
CLERC, & à coſté,

*Regiſtrees, pour iouyr par l'impetrant de l'effect y con-  
tenu. A Paris en Parlement le 8. Juillet 1626.*

Signé,

D V. TILLET.

Et ſeellé du grand ſceau de cire verte ſur las de ſoye  
rouge & verte.

---

EXTRAICT DES REGISTRES  
du Parlement.



Ev par la Cour les Lettres Paten-  
tes donnees à Paris au mois de Ian-  
uier dernier, ſignees LO V Y S, &  
ſur le reply, Par le Roy, DE  
BEAVCLERC, & ſeellees en  
laqs de ſoye du grand ſceau de cire  
verte, Par leſquelles & pour les cauſes y contenues le-  
dit Seigneur veut & ordonne qu'il ſera conſtruiſt vn

5

Jardin Royal en l'un des Fauxbourgs de cette Ville de Paris, ou autre lieu proche d'icelle, de telle grâdeur qu'il sera iugé propre, conuenable, & necessaire, par le sieur Herouard, Premier Medecin dudit Seigneur, pour y planter toutes sortes d'arbres & Plantes Medicinales: duquel Jardin accorde la Surintendance audit sieur Herouard & à ses successeurs Premiers Medecins, & non à autres, comme plus au long il est contenu par lesdites Lettres. Requête presentee par ledit Herouard afin de Verification desdites Lettres, Conclusions du Procureur general du Roy, & tout consideré, LADITE COVR a ordonné & ordonne que lesdites Lettres serbt registrees au Greffe d'icelle, pour iouyr par l'impetrant de l'effect y contenu. Faiet en Parlement le 6.iour de Iuillet 1626.

Signé,

D V-TILLET.



**N**EAN Herouard sieur de Vaugrigneuse, Conseiller du Roy en son Conseil d'Estat, & Premier Medecin de sa Majesté, A tous ceux qui ces presentes Lettres verront, Salut. Il auroit pleu au Roy par son Edict du mois de Ianuier de la presente annee mil six cens vingt six, verifié en la Cour de Parlement de Paris le sixiesme Iuillet oudit an, Nous commettre la Surintendance & Gouuernement du Iardin Royal des Plantes & Herbes Medecinales que sa Majesté veut estre construiet dans l'vn des Fauxbourgs de ladite Ville de Paris, au lieu & de la grandeur qui sera par nous aduisé & iugé necessaire: Nous donne pouuoir de commettre soubz nous pour la conduite, culture, & gouuernement d'iceluy, telles personnes capables qui seront par nous iugees propres & agreables à sadite Majesté: Nous deuëment informez de la personne de Maistre Guy de la Brosse, Conseiller & Medecin du Roy, de sa bonne vie, mœurs & Religion Catholique, Apostolique & Romaine, capacité, suffisance & experience au faict de la Medecine, & particuliere connoissance qu'il a des Herbes & Plantes Medecinales, & de la vertu & propriété d'icelles. Iceluy pour ces causes A v o n s, soubz le bon plaisir de sadite Majesté, nommé & commis, nommons & commettons par ces presentes, ledit sieur de la Brosse. pour estre Intendant dudit Iardin, pour soubz nous & nos successeurs Premiers Medecins, auoir la direction, culture, & gouuernement dudit Iardin, faire les demon-

7  
strations des Herbes & Plantes Medecinales aux Es-  
coliers & autres personnes qui en voudront auoir la  
connoissance, les iours qui luy seront par nous ordon-  
nez : Et iouyr par ledit de la Brosse de ladite charge  
d'Intendant, aux honneurs, authoritez, franchises,  
droicts & appartenances, & aux gages qui luy seront  
ordonnez par sadite Majesté du fonds qui sera fait &  
laissé pour l'entretienement & gages des officiers du-  
dit Iardin. Supplions tres-humblement sa Majesté d'a-  
uoir agreable la presente Commission & presenta-  
tion, & sur icelles commander toutes Lettres de  
Cōfirmation luy estre expediees. En tesmoin dequoy  
Nous auons signé ces presentes, & icelles fait contre-  
signer par nostre Secretaire, & apposer le cachet de  
nos armes. A Nantes, le septiesme iour d'Aoust, mil six  
cens vingt six, Signé, Herouart, & plus bas, Par mon-  
dit sieur, Leques, & seellé.



**L**O V Y S, par la grace de Dieu, Roy de  
 France, & de Nauarre, A tous ceux qui  
 ces presentes lettres verront, Salut. Par no-  
 stre Edict du mois de Ianuier dernier, veri-  
 fié où besoin a esté, Nous auons ordonné l'Etablif-  
 sement d'un Iardin Royal des Plantes Medecinales  
 en l'un des Fauxbourgs de nostre Ville de Paris, & d'i-  
 celuy accordé la Surintendance à nostre amé & feal  
 Conseiller en nostre Conseil d'Estat & Premier Me-  
 decin, le sieur Herouard, & à ses successeurs Premiers  
 Medecins, avec pouuoir de commettre sous luy per-  
 sonnes capables, & à nous agreables, pour la conduite  
 culture & gouvernement dudit Iardin, suiuant lequel  
 Edict iceluy sieur Herouard auroit nommé & com-  
 mis, sous nostre bon plaisir, nostre cher & bien amé  
 Guy de la Brosse, l'un de nos Conseillers & Medecins  
 ordinaires, pour sous luy auoir l'intendance, condui-  
 te & direction d'iceluy, ainsi qu'il appert de sa nomi-  
 nation cy attachee sous le contrescel de nostre Chan-  
 cellerie. S Ç A V O I R faisons, que nous bien & deuë-  
 ment informez des bonne vie, mœurs, suffisance, &  
 grande connoissance que ledit de la Brosse a de la na-  
 ture & propriété des Plantes & Herbes Medecinales,  
 comme aussi du desir qu'il a de seruir à l'vtilité publi-  
 que, A iceluy pour ces causes, & autres à ce nous mou-  
 uans, A V O N S, en agreant & confirmant la Nomina-  
 tion, D O N N E & octroyé, donnons & octroyons  
 par ces presentes, ladite charge d'Intendant dudit Iar-  
 din



9

dir Royal, pour sous ledit sieur Herouard & ses successeurs Premiers Medecins, auoir la direction entiere, & conseruation d'iceluy Iardin, faire les demonstrations des Plantes Medicinales aux Escoliers, & aux personnes qui en voudront auoir la connoissance, les iours qui luy seront ordonnez par nostredit Premier Medecin; & iouyr par ledit de la Brosse de ladite charge d'Intendant dudit Iardin, aux honneurs, aucloritez franchises, droicts y appartenans, & aux gages qui luy seront par nous ordonez, du fonds qui sera laisse pour l'entretenement & gages des officiers dudit Iardin, tant qu'il nous plaira. **SI DONNONS** en mandement à nostre ame & feal Conseiller en nosdits Conseils, & Premier Medecin le sieur Herouard, qu'apres luy estre apparu des bonnes vie, moeurs, conuersation & Religion Catholique, Apostolique & Romaine dudit de la Brosse, & de luy pris & receu le serment en tel cas requis & accoustumé, il le mette & institue de par Nous en possession & iouyssance de ladite charge d'Intendant dudit Iardin, & d'icelle, ensemble des honneurs, aucloritez, prerogatiues, preeminence, franchises, libertez, gages, droicts, fructs, profits, reuenus & esmolumens à ladite charge appartenans, le faire iouyr & vsr plainement & paisiblement, & à luy obeir & entendre de tous ceux & ainsi qu'il appartiendra es choses touchant & concernant ladite charge. **MANDONS** en outre à nos amez & feaux Conseillers, les Presidens & Tresoriers Generaux de France à Paris, que par celuy ou ceux de nos comptables qu'il appartiendra, ils facent payer & deliurer comptant audit de

la Brosse les gages & droicts qui luy seront par Nous, comme dit est, ordonnez, du fonds qui sera laissé pour l'entretienement & gages desdits officiers dudit Iardin dorenavant par chacun an aux termes & en la maniere accoustumee, à commencer du iour & d'acte des presentes: rapportant lesquelles, ou coppie d'icelles deuëment collationnee, pour vne fois seulement, avec quittance dudit de la Brosse sur ce suffisante par chacun an, Nous voulons lesdits gages estre passez & alloüez en la despée des comptes de celui qui payez les aura, par nos amez & feaux Conseillers les Gens de nos Comptes, ausquels mandons ainsi le faire sans difficulté, Car tel est nostre plaisir. **EN** tesmoin nous auons fait mettre nostre seal à celsdites presentes. **DONNE** à Nantes le huietiefme iour d'Aoust, l'an de grace Mil six cens vingt six, Et de nostre Regne le dixseptiefme. Ainsi signé, **L O V Y S.** Et sur le reply, Par le Roy, **DE BEAUCLERC.** Et seellé sur double queue du grand sceau de cire iaune.















